

ՀԱՅՏԱՐԱՐՈՒԹՅՈՒՆ

ՀՀ տարածքային կառավարման և ենթակառուցվածքների նախարարությունը (այսուհետ՝ Նախարարություն) հայտարարում է Նախարարության էներգետիկայի վարչությունում փորձագետ ներգրավելու մասին

ՀՀ տարածքային կառավարման և ենթակառուցվածքների նախարարության էներգետիկայի վարչության փորձագետ

Աշխատանքների համառոտ նկարագրությունը՝

- 1) Էներգետիկայի բնագավառի իրավական ակտերի նախագծերի քննարկմանը մասնակցություն և դրանց վերաբերյալ կարծիքների ու առաջարկությունների ներկայացման աշխատանքների իրականացում.
- 2) Էներգետիկայի բնագավառի կայուն զարգացման, անվտանգության ապահովման ռազմավարական ծրագրերի և դրանցից բխող միջոցառումների՝ այդ թվում տեխնիկական նորմատիվային փաստաթղթերի մշակման աշխատանքների իրականացում.
- 3) ՀԸԳՀ նորացված բարեփոխումների շրջանակներում ուսումնասիրել էներգետիկայի բնագավառի հետ կապված աշխատանքների իրականացման համար ոլորտը կարգավորող իրավական ակտերը և դրանց կիրառելիությունը Հայաստանում.
- 4) Էներգետիկայի բնագավառի առկա խնդիրների բացահայտմանն ու լուծմանն ուղղված աշխատանքներն իրականացնելու համար ուսումնասիրությունների (այդ թվում՝ միջազգային փորձի), վերլուծությունների իրականացում, հանդես գալ առաջարկություններով.
- 5) միջազգային պարտավորություններից բխող ընդհանուր էլեկտրաէներգետիկական շուկաների զարգացման և այդ շուկաների բնականոն գործունեության աշխատանքների իրականացման գործընթացներին մասնակցություն.
- 6) ՀԱԷԿ-ի անվտանգության բարձրացման, շահագործման նախագծային ժամկետի երկարացման և շահագործումից հանելու հետ կապված աշխատանքներին մասնակցություն.
- 7) Էներգախնայողության և վերականգնվող էներգետիկայի ազգային ծրագրի (ԷՎԷԱԾ) և Էներգաարդյունավետության գործողությունների ազգային պլանի (ԷԳԱՊ) ներքո նախատեսված ՎԷԱ և ԷԱ միջոցառումների կազմակերպման, մոնիտորինգի և գնահատման աշխատանքներին մասնակցություն:

Փորձագետ ներգրավելու ժամկետը՝ տասնմեկ ամիս ժամկետով:

Փորձագետի պարտականությունները՝

1. Բարեխղճորեն կատարել աշխատանքային պայմանագրով ստանձնած աշխատանքները:
2. Պահպանել համապատասխան մարմնում սահմանված ներքին կարգապահական կանոնները, աշխատանքային կարգապահությունը:
3. Պահպանել աշխատանքի պաշտպանության և անվտանգության ապահովման միջոցները:
4. Իրականացնել աշխատանքային օրենսդրությամբ, «Հանրային ծառայության մասին» օրենքով և աշխատանքային պայմանագրով իրեն վերապահված այլ պարտականությունները:

Փորձագետին ներկայացվող պահանջները՝

- 1) բարձրագույն կրթություն.
- 2) Հանրային ծառայության առնվազն երկու տարվա ստաժ կամ երեք տարվա մասնագիտական աշխատանքային ստաժ կամ էներգետիկայի կամ ենթակառուցվածքների զարգացման բնագավառում ուսումնասիրությունների, հետազոտությունների, մշտադիտարկումների և վերլուծությունների իրականացման աշխատանքներում՝ երեք տարվա աշխատանքային ստաժ:
- 3) ոլորտը կարգավորող օրենսդրության և իր լիազորությունների հետ կապված իրավական ակտերի անհրաժեշտ իմացություն, ինչպես նաև տրամաբանելու, տարբեր իրավիճակներում կողմնորոշվելու ունակություն.
- 4) համակարգչով և ժամանակակից այլ միջոցներով աշխատելու ունակություն.
- 5) անհրաժեշտ տեղեկատվության տիրապետում.
- 6) ռուսերեն և անգլերեն լեզուների ազատ տիրապետում:

Դիմումների ընդունման վերջին ժամկետն է՝ 03.07.2025թ.

Աշխատանքի վայրը՝ ք. Երևան, Հանրապետության հրապարակ, Կառավարական տուն 3

հեռ. 010-511-355, 010-511-316, **Էլ. հասցե՝** <http://mtad.am>

Չի թույլատրվում հավակնորդի հետ պայմանագիր կնքել, եթե տվյալ անձը պաշտոնից ազատվել կամ տվյալ անձի ծառայությունը վերջին մեկ տարվա ընթացքում դադարեցվել է կարգապահական տույժ կիառելու, օրենքով սահմանված փորձաշրջանը չանցնելու, օրենքի խախտմամբ պաշտոնի նշանակվելու, «Հանրային ծառայության մասին» Հայաստանի Հանրապետության օրենքով սահմանված անհամատեղելիության պահանջները չպահպանելու, Հայաստանի Հանրապետության քաղաքացիությունը դադարեցնելու, ուժի մեջ

մտած՝ նրա նկատմամբ կայացված մեղադրական դատավճռի դեպքերում, բացառությամբ այն դեպքերի, երբ նշանակվել է տուգանք, ինչպես նաև երկու տարի անընդմեջ իր մեղքով վերապատրաստման անհատական ծրագրով հաստատված կրեդիտները չստանալու դեպքում:

Ընտրություն կատարելու եղանակն է՝ դիմում ներկայացրած քաղաքացիների փաստաթղթերի ուսումնասիրություն:

Դիմող ՀՀ քաղաքացիները պետք է ներկայացնեն հետևյալ փաստաթղթերը՝

- դիմում Նախարարության գլխավոր քարտուղարի անունով (դիմումը լրացվում է փաստաթղթերը ներկայացնելիս),
- հայտարարություն ՀՀ կառավարության 02.08.2018թ. N 878-Ն որոշմամբ հաստատված կարգի 13-րդ կետով նախատեսված սահմանափակումների բացակայության մասին (հայտարարությունը լրացվում է փաստաթղթերը ներկայացնելիս),
- տվյալ աշխատանքին անցնելու համար մասնագիտական գիտելիքների և աշխատանքային ունակությունների տիրապետման տեսանկյունից ներկայացվող պահանջների բավարարումը հավաստող փաստաթղթերի՝ դիպլոմի /ների/, վկայականի /ների/, աշխատանքային գրքույկի (վերջինիս բացակայության դեպքում անհրաժեշտ է ներկայացնել տեղեկանք/ներ համապատասխան մարմնից/ներից) պատճենները բնօրինակների հետ միասին,
- արական սեռի անձինք՝ նաև զինվորական գրքույկի կամ դրան փոխարինող ժամանակավոր զորակոչային տեղամասից կցագրման վկայականի պատճենները՝ բնօրինակի հետ միասին, կամ համապատասխան տեղեկանք,
- մեկ լուսանկար 3+4 սմ չափսի,
- անձնագրի կամ նույնականացման քարտի պատճենը,
- համառոտ CV:

ՀՀ քաղաքացին փաստաթղթերը ներկայացնում է անձամբ:

Փաստաթղթերն ընդունվում են ամեն օր՝ ժամը 9.30-ից մինչև 12.30-ը, բացի շաբաթ և կիրակի օրերից: